



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCXCIII. Jürgen Bözel mit seinen Freunden versöhnt sich nach einer Fehde mit dem Knochenwerk zu Königsberg, am 30. Juni 1457.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

CCXCIII. Jürgen Bōzel mit seinen Freunden versöhnt sich nach einer Fehde mit dem Knochenwerk zu Königsberg, am 30. Juni 1457.

Vor allen Cristen luden, de dessen openen Bress syben odder horen lezen vnde vorbat vor allefweme, wat stades offte werdicheit zy zynt, geyslikies edder werlikes; So Bekenne ik Jurgen Bozel, wanastich to gartz, vor my vnde vor myne vrunde. So alze ik myt semelken mynen vrunden de Stad Koningesberghe in der Nyenmarke geveydet vnde der entzecht hadde vmme des knakenwerkes wille dar sulues, von sulker zake wegen, dat det sulue knakenwerk mynen Bruder Clawes Bozel myt vnrechte scholden hebben rychten lathen. Dar vmme ik denne myt en vor vnser twigher vrunde dage geholden hebben Bynnen Pyritz vnde myne tosprake myt orem Antwerde dar vorhandeln lythen. Des hebben myne vrunde derkant, dat myn gnante Bruder zeliger myt rechte is gericht vnde welker ouervaringhe, dar he zick anne vorfumet hadde, vnde myne vrunde hebben my dar anne so vnderwezin, dat ik sulke veyde vnde tosprake gentzliken losz gefecht hebbe vnde zegge dat allent losz myt macht desszis mynes openen Breues vnde zynt dar vorbat van vnser twiger vrunde gentzliken to grunde vmme vorscheiden, also dat ik met mynen vrunden vnde met mynen eruen geboren vnde vngeloren der zaken nicht mer gedencken willen In arghe to Ewigen thokomeden tiden noch vpp Reppen van Beiden ziden, noch myt rechte noch myt gewalt. Hir vor loue wy vnde zeggen ia myt eyner samenden hant Alze Peter Vofbergh, Jachym smed vnde mechil Bozel, wanastich to stargarde, vnde Jurgen Bozel to Pyritz, dat desse vorscheiden zake stede vnde vaste schal geholden werden van Jurgen Bozele, zynen Eruen vnde van zynen vrunden geboren vnde vngeloren. By vnde ouer desse vorscheidinghe zynt gewelzt van myner zyden Alze de Erfamen Clawes Plate, Benedictus malre vnde glambeke ok furman, alle desse wanastich bynnen Stargarde, vnde van des knakenwerkes wegen tho Koningesbergh, de Erwerdigen de Rad to Pyritz vnde to ghardz. Ok was hir met ouer her Jacob scroder, Prister, vnde de erbare otto balke, de dar alle to geeschet vnde gebeden werden. Des to orkunde vnde groter wischap, So hebbe ik Jurgen Bozel to ghartz vor my vnde mynen Eruen vnde vrunden, alze eyn Recht zakeweldighe vnde wy Borgen alle bouenscreuen hebben vnse Ingesegill an dessen openen briff beneddene met gudeme vrygen willen vnde vulbord lathen hangen. Desse brif is gegheuen vnde gescreuen in den Jaren Jesu Cristi vses heren dusent virhundert dar, na In deme fouen vnde vefstigsten Jare, des donredaghes na Sunte Johannes Baptisten des hilgen dopers vses heren.

Nach dem Originale des Königsberger Stadtarchives No. 245.

CCXCIV. Kurfürst Friedrich vereignet der Stadt Königsberg das von Betke von der Marwitz erkaufte Dorf Allentirchen, am 15. März 1458.

Wir Friederich etc., bekennen öffentlich mit diesem Briue vor Uns, Unser Erben vnd Nachkomen vnd suft allermenniglich, die ihn sehen oder hören lesen, dafs Wir um solcher Willigkeit,